



SLUŽBENE NOVINE

KANTONA SARAJEVO

Godina XXII – Broj 38

Četvrtak, 28. septembra 2017. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14), Vlada Kantona Sarajevo, na 96. sjednici održanoj 21.09.2017. godine, donijela je

ODLUKU

O DAVANJU SAGLASNOSTI NA ODLUKU O VISINI NAKNADE PREDSEDNIKU I ČLANOVIMA STRUČNIH KOMISIJA I RADNIH TIJELA KOJE IMENUJE MINISTRICA ZDRAVSTVA KANTONA SARAJEVO ZA REALIZACIJU USLUGA IZ NADLEŽNOSTI MINISTARSTVA ZDRAVSTVA KANTONA SARAJEVO

I

Daje se saglasnost na Odluku o visini naknade predsjedniku i članovima stručnih komisija i radnih tijela koje imenuje Ministrica zdravstva Kantona Sarajevo za realizaciju usluga iz nadležnosti Ministarstva zdravstva Kantona Sarajevo, broj 10-05-26810/17 od 04.09.2017. godine.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-27518-10/17
21. septembra 2017. godine
Sarajevo

Premijer
Elmedin Konaković, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14), Vlada Kantona Sarajevo, na 96. sjednici održanoj 21.09.2017. godine, donijela je

RJEŠENJE

O IMENOVANJU PREDSEDNIKA I ČLANOVA KOMISIJE ZA IZBOR I IMENOVANJE PREDSEDNIKA I ČLANOVA ŠKOLSKIH ODBORA SREDNJIH ŠKOLA KAO JAVNIH USTANOVA NA PODRUČJU KANTONA SARAJEVO, ČIJA KONAČNA IMENOVANJA VRŠI VLADA KANTONA SARAJEVO

I

U Komisiju za izbor i imenovanje predsjednika i članova školskih odbora srednjih škola, kao javnih ustanova na području Kantona Sarajevo, čija konačna imenovanja vrši Vlada Kantona (u daljem tekstu: Komisija), imenuju se:

1. Lamija Husić - predsjednik,
2. Mina Pleh - član,
3. Edina Pašić - član,
4. Alma Muratović - član,
5. Avdulah Kovačević - član.

II

Zadatak Komisije je da pregleda sve prijave koje su pristigle u propisanom roku navedenom u Javnom konkursu za popunu upražnjenih pozicija u školskim odborima srednjih škola kao javnih ustanova na području Kantona Sarajevo i provede postupak predviđen za imenovanja u skladu sa članom 142. Zakona o srednjem obrazovanju ("Službene novine Kantona Sarajevo", broj 23/17) i odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13).

III

Komisija će zadatak iz prethodne tačke ovog Rješenja, obaviti u roku od 60 dana od dana prispjega posljednjeg materijala, relevantnog za okončanje procedure.

IV

Za tehničkog sekretara Komisije imenuje se Azra Veljković.